



LANGABEZIA ERREGISTRATUA

Langabezia erregistratua berriro igo zen maiatzean, baina martxoan eta apirilean baino gutxiago

Maiatzean, 141.715 langabe erregistratu zeuden Euskadin, Lanbideren bulegoek emandako datuen arabera. Martxoan eta apirilean bezala, koronabirusaren krisiak eta horrek ekoizpen jardueran duen eraginak ekarri duten salbuespenezko testuinguruan baloratu behar da igoera hori. Aurreko hilabetearekin alderatuta, 3.000 langabe gehiago daude bakarrik, aurreko bi hilabeteetan langabe-


en igoera 10.000 pertsonatik gorakoa izan zen bitartean. Generoaren arabera azterketak adierazten du maiatzean ere langabeziaren igoerak nabarmenago eragin ziela gizonei emakumezkoei baino. 25 urtetik beherako biztanleriak ere neurri handiagoan sufritzen du igoera, eta beraien urte arteko aldakuntza tasak (%36,5) nabarmen gaindizten du biztanleria osoarena (%24,5).

LANGABEZIA ERREGISTRATUA. GUZTIRA Urte arteko aldakuntza tasa


LANGABEZIA ERREGISTRATUA. MAIATZA +%24,5



LANGABEZIA ERREGISTRATUA. EMAKUMEAK Urte arteko aldakuntza tasa




LANGABEZIA ERREGISTRATUA. GIZONAK Urte arteko aldakuntza tasa




LANGABEZIA . GAZTEAK

Urte arteko aldakuntza tasa



LANGABEZIA . ATZERRITARRAK

Urte arteko aldakuntza tasa



Sektore ekonomikoak kontuan hartzen badira, erregistratutako langabeziaren gorakada nabarmenagoa izan zen berriro zerbitzuetan, pandemiari eusteko jarduera eteteak eragin handiagoa izan baitzuen beraietan. Hala izanda, 21.399 pertsona gehiago daude lanik gabe zerbitzuetan, batez ere ostalaritzan, txikizkako merkataritzan eta hezkuntzan. Gehikuntza absolutuetan, zerbitzuetan lagundu zuen sektorea industria izan zen, ia

4.000 langabe gehiagorekin, nahiz eta urte arteko aldakuntza tasetan hirugarren sektorea baino pixka bat handiagoa izan haren igoera (%29,2 eta %28,4, hurrenez hurren). Azkenik, atzerago geratu zen eraikuntzaren sektorea, langabeen kopurua 1.372 handitu baitzen. Zifra horiek beste sektoreetakoak baino txikiagoak dira, hein batean, eraikuntzari ia konfinamendu osoan jarduera jakin batzuk egiten jarraitzeko aukera eman zitzaizolako.

LANGABEAK

	2019ko maiatza	2020ko maiatza	Aldakuntza
LANGABEAK GUZTIRA	113.873	141.715	27.842
LURRALDE HISTORIKOEN ARABERA			
Araba	18.987	23.782	4.795
Bizkaia	64.953	79.616	14.663
Gipuzkoa	29.933	38.317	8.384
SEXU ETA ADINAREN ARABERA			
Gizonak	48.625	64.123	15.498
Emakumeak	65.248	77.592	12.344
25 urtetik beherakoak	8.278	11.301	3.023
25 urte baino gehiago dutenak	105.595	130.414	24.819
EKONOMIA SEKTOREAREN ARABERA			
Lehen arloa	2.411	2.726	315
Industria	13.410	17.321	3.911
Eraikuntza	8.024	9.396	1.372
Zerbitzuak	75.256	96.655	21.399
Lehenago lan egin dutenak	99.101	126.098	26.997
Lehenago lan egin ez dutenak	14.772	15.617	845
ERREGISTRATUTAKO LANGABEZIA. ATZERRITARRAK			
Langabe atzerritarrak	17.970	22.837	4.867

Iturria: SEPE.



Departamento de
Hacienda y Economía